

Aruba tambe por disfruta di un anochi cu Richard Clayderman

Jaycees di Aruba y Antillas ta presenta pa nan recaudacion di fondos e artista mundialmente conoci Richard Clayderman y su orquesta.

Naci como Philippe Pages un 28 di December 1953 el a cuminsa toca piano na edad hopi joven door cu su tata tabata duna les di piano.

Na edad di 12 aña el a worde acepta na Conservatorio di Paris y a edad di 16 aña el a gana e prome premio.

E tabata worde pronostica cu e lo bira un pianista di musica clasico prominente pero pa sorpresa di hopi hende el a pone su entrenamiento clasico un banda y a cambia pa musica contemporaneo. E tabata kier a haci algo diferente y a cuminsa hunto cu poco amigo un grupo di rock.

Door di maleza di su tata cu no por a sigui yude mas financieramente e mester a busca trabao y a cuminsa acompaña otro artistas manera Michel Sardou, Thierry Le Luron y Johnny Haliday.

Su talentonan no a keda scondi y na aña 1976 un productor Frances famoso Oliver Toussant a yame pa motibo cu e tabata tin

mester di un pianista pa toca un balada special. Den 20 otro participante mas el a worde escogi na edad di 22 aña.

Su number a worde cambia pa Richard Clayderman fam di su bisabuela. El a graba "Balade pour Adeline" y a vende 22 Milion copia na 38 pais y asina el a bira masha famoso pa su musica fantastico. Tournan grandi a hibe diferente pais manera China, Australia, Sur America y na 1990 Hungria, Aruba y Curacao tambe por disfruta di su musica excelente.

El a graba mas di 300 melodia y tin na su number 189 disco di oro y 52 platina. E principe di romance yama asina pa Nancy Reagan lo deleita esnan cu presencia e concierto aki dia 14 di April 1990 na Cas di Cultura pa 8'or di anochi.

Hunto cu su orquesta di 20 musico mas lo por disfruta di un show fantastico inolvidable.

Jaycees di Aruba en especial y di Antillas ta haci un cordial invitacion na pueblo di Aruba pa asisti na e concierto fabuloso aki y alavez contribui na e fundrais-ing aki.

Asociacion di musiconan di Bonaire ta den formacion

Sr. Joy Kock y Elgin Juddan ta dunando tur cooperacion



ORANJESTAD(AAN) - Durante fin di siman cu a pasa sr. Joy Kock y sr. Elgin Juddan presidente y vice presidente di ASOMA respectivamente tabata na Bonaire pa asisti den formacion di un Asociacion di musiconan di Bonaire. Conhuntamente cu Joy y Elgin tambe a viaha pa Bonaire sr. Wichi de Palm cu tabata e persona di contacto entre Aruba y Bonaire. Sr. de Palm durante e reunion cu a tuma lugar na Jong Bonaire

Diasabra 24 di Maart a enfatiza e importancia pa Bonaire por tin su Asociacion di Musiconan.

Sr. Joy Kock cu su experiencia di 20 aña a splica na tur e musiconan presente e lucha duro cu a worde hiba na Aruba y a entrega nan e directiva temporal statutonan di e Asociacion di Aruba y tame di Academia musical di Aruba. Aruba tin su statutonnan desde 1974.

Ariba e foto por mira srs. Glen Koffie, Elgin Juddan, Byron

Tromp, chano St. Jago, Joy Kock, Diputado Cai Mercera y Wichi de Palm.

E entusiasmo ta grandi na Bonaire y Diputado sr. Mercera a priminti tur ayudo necesario. E motornan grandi tras di formacion di un asociacion pa Bonaire ta Srs. Byron Tromp y Chano St. Jago. Byron Tromp ta yiu di e conocido Arubano Niki Tromp, hefe di Oficina di turismo na Bonaire.

Bingo di Lions cu premionan grandi

ORANJESTAD(AAN)- Como un actividad pa recauda fondo pa yuda un variacion di proyec-tonan den comunidad. Aruba Lions Club ta organiza un tremendo bingo Diasabra 31 di Maart den Connie Francis Club cuminzando pa 8'or di anochi. Registracion di caarchi ta cuminsa pa 7'or di anochi.


Lo tin diferente wega, cu un full-card di 3 Mil Florin, mientras cu tin un cantidad di doorprize atractivo manera e.o. 2 pasashi pa Santo Domingo, television di color, 1 siman di estadia na Casa del Mar pa 2 persona y hopi mas.

Por haya caarchi cumpra cerca miembronan di Lions, tambe na

Instituto di Cultura y Diasabranochi na Connie Fran-

cis Club. Lo tin un bar y cushina bon surti a la Lions.

**NUMBER
DI FAX
28551
DIARIO**



Aunke na varios caminda e pueblo a concientiza caba di tene nan propiedad limpi, ainda tin caminda cu esaki no a tuma lugar. Ariba e combinacion di fotos por mira cu poco poco ta creando un dump na e sitionan aki, sin cu no ta duna un man pa haciele limpi.

GREETINGS

ROSIE'S

Concessielaan #5 Oranjestad, Aruba
Nos a caba di ricibi *Jacket di Jeans, camisa di Jeans, tur na bon prijs, tambe blusa casual y deftig den varios color y syle. Pasa haci nos un bishita.*

NOS TA WARDABO!